

南京医学报 / [南京医学会事务所] · 一铅印本
· 一no. 1 (民国元年[1912]5月) ~ [?] · 一南
京: 编者[发行者], 民国元年[1912] ~ [?].
; 26cm.

月刊.

* * * * *

本刊共摄制1卷, 16毫米, 缩率1:20, 原件藏北
京图书馆, 北京图书馆摄制, 母片藏全国图书馆
文献缩微复制中心(北京), 原件有污迹.

本刊片卷摄制目录:

no. 1 ~ no. 6 (1912. 5 ~ 10)

中華民國元年五月初一日

(陰曆三月十五日)

南京醫西學報

送 232-1
4
1-1-1

第一期

外埠郵費自理

每月一號發行

每册價洋一角

總發行本會事務所



呈江蘇都督莊

寧垣醫學研究會，為呈請事。竊醫會設立天喜長生祠，團集研究醫學，送診貧民疾病，注重臨症，實益衛生，辦理數年，漸臻進步。自去秋軍事控您，同道多半遷徙外出，是以停止集會研究。現慶共和成立，居民安穩，勞來醫會同志，現仍團集到會，公議實力進行，溝通中西，善善從長，甯垣地屬首都，擬定醫會名曰南京醫學會，開辦醫報，徵求名論，溯古窮今，互證知識，折衷中西，所有開辦醫報，集議研究各費，概由在會同道，各自量力樂輸，並不在外另捐分文。天喜長生祠崇祀醫聖，向係醫界集會之所，除俟醫報編定刊印，另行呈送外，相應先將前奉刊發寧垣醫學研究會之圖記一類，敬呈附上，擬定另刊南京醫學會之圖記式樣一紙，呈請都督鈞鑒，祈賜指令，遵循，至深盼禱。此呈。

計呈繳 寧垣醫學研究會之圖記一類

附上 擬定另刊南京醫學會之圖記式樣一紙

中華民國元年四月三號醫學臨時會長王彬呈
四月八號奉

江蘇都督府莊 教令呈悉，該會研究醫理，並開辦醫報，折衷中西，係為慎重醫道起見，自應照准。

應用圖記。仰卽自行刊用。具報可也。此令。舊圖記存銷。

南京印刷廠代印

本報徵文啟

本報爲研究醫理。集思廣益起見。海內明賢。如其不吝教誨。凡鴻篇鉅作。確有心得。及能發明新理。並一切著作。或醫案。或前人遺集。或經驗良方。均乞寄交南京城內絨莊本報事務所。以便按期選登。藉以揚名譽。貺後學。拯民生之疾苦。增本報之價值。且以爲醫界前途光。不勝懼迎翹跂之至。惟不饋酬資。郵力自理。不登者原稿恕不檢還。

敬告藥業啟

敬啟者東西各藥。輸入日盛。藥房林立。中藥受無形之擠排。近復有取銷中藥之議。藥業前途。將日陷於危險地步。自今以往。藥界與醫界。宜聯合一氣。研究改良。期達於優勝之目的。若仍蹈常習故。醫界與藥業。兩不相謀。將來中藥實行取銷。諸君其何以爲計乎。不爲一己之營業計。獨不爲同胞之生命計乎。惟望素具熱心者。警告同業。早定方針。幸勿河漢斯言。懷疑觀望。敝會有厚望焉。

發刊詞

醫學之流傳數千年於茲矣。西風劇烈。壁壘翻新。中藥方醫取銷。中醫遂有一落千丈之慮。苟持放棄主義。一任其自然銷滅。人幾疑中醫之果不足恃。而業此者之不能擔荷艱鉅也。亦大乖乎天演之公例矣。說者曰。中醫運氣交化之說。頗涉模糊。致滋他人攻擊。殊不知六元正紀。五運行等論七篇。實王孫所購入。語焉不詳。反譏靈素全文。爲一部陰陽五行論。不過激歎。放中醫與西醫。頗多默合。靈樞經水篇曰。其死可解剖而視之。是上古本有實驗之學。傳及倉公華佗。瀉腸刮骨。史有明徵。是解剖學之曾經發明者也。經曰。腦爲髓海。又曰。腦爲奇恆之府。喻西江亦以腦自爲一臟。乃身中萬神集會之所。治療自有專法。並云。今世治大頭瘟一症。皆從身之軀殼分表裏。不從頭之軀殼分表裏。是以死亡莫救。王勛臣著醫林改錯。亦暢其說。至西醫謂內腎爲排泄器。主瀉而不主精。中說由小腸泌別。王勛臣亦嘗疑之。謂若果如此。小便何以不臭。是與西醫由胃入腎之說合。名言卓識。均在西醫未入中國之先。可見中醫之學術。本不出西人之下。惜業醫者墨守陳言。不能發明新理。遂讓西醫獨饒進步。同人有鑒於此。爰就甯垣舊有之醫學會。重行組織。定名曰南京醫學研究會。月刊醫報一冊。以期發揮義蘊。吸收文明。同人務各悉心研究。力圖改良。毋自安於彘。中學既精。兼采西學之長。必以銓貫中西爲目的。至西藥之販入中國。歲糜鉅萬。莫塞漏卮。就保存國貨論。就

挽回利權論。設法改良。醫界與有其責。查泰西各藥。礦質固多。未嘗不取材中藥。我能取各藥而試驗之。錄其專長。以補本草所未及。並改良丸散膏丹。一如補腦汁自來血之可以行遠。有愛國心者。必不舍中藥而服西藥也。此會之宗旨也。他處之熱心醫學者。各自組織醫會。次第成立。是會所極歡迎。請以斯報為介紹。務希惠我嘉言。藉資聯合。從此揚鑣並進。庶幾醫界可大放光明矣。莽莽前途。即以斯報為嚆矢也可。

祝詞

凌志雲 李曉雲 杭州醫界
邵質人 李鶴訪

吾聞醫學之盛衰。關乎種族之強弱。有醫會然後可以聯絡同志。有醫報然後可以交換知識。日本維新。首重醫學。即東京一區。醫學醫報。多至數十種。故新理新法。朝登報章。暮行閭閻。醫學之發達。由此種族之強盛。亦由此環顧吾國。醫會醫報。寥若晨星。豈聰明才力。果不如人乎。抑亦吾國之醫。苟安且夕。不求進步故耳。自民國成立。凡百庶政。建設方新。而醫學為衛生強種之基礎。尤當集思廣益。以求實效。貴會組織醫報。嘉惠醫界。其熱心毅力。固已加人一等。維望各省志士。聞風興起。實心研究。則醫學之發達。如潮湧澎湃。不可思議矣。志雲等不敏。爰綴蕪詞。為之頌曰。

維中華民國之元年兮。世界大同。醫報出版於南京兮。聲氣遙通。精理名言之發揮兮。宜今宜古。以啓心胸。吸西歐之文化兮。振東亞之矇聵。銛鑄中西於一爐兮。通人達士。共濟和衷。祝醫學之進步。如日升東。志微其堅兮。氣欲其雄。諸君辦報之熱心兮。飲仰無窮。

王孝燧 東培

史記秦越人傳。秦太醫令李醯。自知伎不如扁鵲。使人刺殺之。龍門氏曰。女無美惡。居宮見妬。士無賢不肖。入朝見疑。扁鵲乃以伎見殃。嗟嗟。學術之不發明。心法之失真。傳振古如茲。而微論乎醫學之燭學也。將以見諸實事。而有輔造物缺陷之功用。願乃居奇積嫉。秘用其術。不肯恢擴精進。以新於高。會至善至通。無惑承事者不爭有形之切礎。徒姝姝守一先生之言。盜竊陳編。自命為生靈之所寄託。馴致奔陋。而不獲求諸實驗。猶早夜聒於其羣。以饒餽空虛。坐致異端曲學。百喙爭鳴。而起視本原之學術。將為通滌至於滅亡。猶不之省悟。誰為之厲而階進之。是亦學術一髮千鈞之繫也。有志者愛親及之。亟思反於夙昔之所為。籌通愚饋新之計。以餉來學。輯為醫學報。為綱為目。為議論。為貫通今古。瘖口曉音。憂世識時務。而并修絕學之汲綆。使人人可通之於醫。可登之仁壽之域。厥功偉已。竊以為吾國位積弱之下。丁新舊之會。尤不宜事事閉關而自短步趨。醫之道固以知其將死而必欲生之為情。今西來之醫。已有排擠吾學。不留餘地之勢。鴻駿君子。儻進而補弊救偏。旁搜遠紹。急起直追。并力經營。以融會貫洽者。寓自治自存焉。則吾學之不死。非生之者之方足以任

肩耶。不然舍已而芸人。為有識者所不免議。循塗以矩步。恐為害亦靡底也。受長桑真秘者。必以吾言為是。遂以是為祝詞。

王繼高 字增叔 號葆年 江蘇崑山縣人 中國醫學會會員

歲在壬子。中華民國光復之年。共和政體成立之日。而適丁我江寧醫學會刊報之初。懿歟哉。壬子年之發達。有如是者。雖然。吾有感焉。曆觀從前各種醫報。大都由於經濟困難。而隨起隨仆。雖以中國醫會之醫學公報。內容最富。流行最廣。不數年而限於經濟之支絀。卒不能維持久遠。而江甯醫會。竟崛起於茲。當共和成立之時。樹醫學振興之幟。同志何幸際斯盛舉。能不三薰三沐。額手欽仰。鄙人於是起立致敬。而為吾江甯醫學報頌曰。諸君勉任其艱。力持久遠。醫學公報。前車可鑒。他日為吾國醫學界放一異彩。其仔肩惟諸君是任。鄙人於是擱筆大呼南京醫會萬歲。南京醫學報萬歲者三。

張 麟 字小村 鎮江丹徒人 中國醫學會編譯員

千里騰書報。故知寰甸集。噪名醫。庸材樗櫟無他祝。一辦心香兩韻詩。中華民國煥然新。天地清明草木春。救世濟痼登壽域。增由領袖屬醫人。

慶伯衡

何以壽人。種甘鋤毒。唯醫學報。發揮仁術。道融中外。功參覆育。掖我同胞。同登壽域。謹貢數言。以誌慶祝。

例言

- 一本報以研究醫學。改良醫術。聯合各會。融貫中西為宗旨。所纂細目。計分八類。
- 一論文。凡關於醫學之前途者。錄之。至於古人之名論。西醫之專長。及時賢之學。有心得。發明新理者。一併徵採。
- 一學說。凡病理學。診斷學。衛生學。生理學。方藥學。看護學。中醫各專門科學。均錄之。如有家藏遺書。未經刊刻。流行。資送來會者。亦分期採擇錄入。
- 一醫案。凡會員診治疑難疾病。已有功效者。錄之。
- 一討論。凡會員之提議及問難。均錄之。
- 一專件。凡本會章程文牘。及會計之預算表。收支之徵信錄。均錄之。
- 一雜錄。凡會員之心得筆記。通俗簡便單方草藥。及關於醫界之詩詞小說。均錄之。
- 一通信。凡會員之來函。調查員之報告。及他處醫會來往信件。均錄之。
- 一時聞。凡各報所載有關於醫界者。均錄之。

本報目錄

文牘 發刊詞 祝詞 例畧

文論 說醫 醫學平議 警醒世風積習論 師古而不泥古說

學說 疫痧續論 喉痧預防法

討論 提議中西學術

醫案 二則

事件 本會暫訂簡章 臨時會員一覽表

雜錄 傅青主男女科書後 截句六首

時聞 一則

文論

說醫

郭廷熙書

醫之為道也。探造化之真。原莫斯民於壽域。凡人一有疾苦。莫不企踵於醫者之門。祈安全之幸。我必默為消息。澹其災而安其危。俾人人各得其所。以去起之於天。札與天地爭生死之權。烏虜救時之良相。調燮陰陽。辟衛兩露。能使人人咸被其澤。若是乎。以故儒者曠重視之。詩馬文忠曰。則為良相。不達則為良醫。范文正亦曰。不為良相。當為良醫。然則醫者。仁術也。能樂善者。慈心也。尤必有無間寒暑之苦心。不惑異說之定議。然後可剖破藩籬。以趨藥於岐黃之室。其艱難重要。豈中人以下所可與語哉。蓋自儲貨季奠醫學之始基。而靈素之哲理。傳歷三代以迄秦漢。代有名人。張長沙集醫學之大成。有方之書。遂見於世。千金外臺。稍務博矣。劉張朱李四家。人自為說。靈景岳薛立齋趙養葵諸人。漸開苟簡之門。寶材李士材汪昂輩。又多雜以臆說。羣曾淆亂。人各守其師說。以互相掎擊。在上者又以小道目之。而不加提倡。於是每况愈下。其流品遂與巫祝等。四民之失業者。復略記湯方。藉以為餬口計。而醫術遂為世所詬病。前清雖設法取締。官為考試。僅引其端。而不獲竟其緒。日復一日。漫不經意。而西人遂操其學術。循海而東。以登我醫界之壇坫。是以千餘年來。日即式微。至今日而斯極。就物競天擇之公理。論有志者。必當刻自淬厲。不甘受天然之淘汰也。日本和田啓十郎。特著一書。表彰漢醫特色。專譏西醫偽裝。名其書曰醫界之鐵椎。取博浪沙中狙擊秦皇之意。歷舉漢醫之長。比較西醫之短。大聲疾呼於西醫發達之日。其志可謂壯矣。僕則更進一解。曰。物必先自朽而後蛀生之。我當精研學術。以期立於不敗之地。勿徒以口舌為競爭。凡西醫所嘗譏我者。返而自考。其說果當。不妨從此改良。其說不當。亦引以為諍友。而藉以提撕。至西醫之新理新法。吾則歡迎吸收。以求學術之完全。意見。浪斯程度。日高。中西合斯發達。愈速。能如是。厥僕將鞠



躬教頌曰。是爲中華民國開幕時之醫界大豪傑。

醫學平議

刁宸英呈軒

醫學一事。生民大命之所託。固不可苟。苟則草菅人命而不之悟。夫醫儒者事也。須洞明天地陰陽之理。研究物類氣質之宜。非深於性命之旨者。每致語焉不詳。擇焉不精。故保命必自醫學始。嘗考之古昔。文擊愈筋以療危困。仲景穿胸以納赤餅。亦足爲剖解之先聲矣。積久失傳。散佚於泰西。而中國醫學反墮乎其後。夫彼之窮究脈絡。卽新莽屠醫之故事也。彼之剖割藏府。卽華元化之遺意也。昔英之變政也。首倡衛生學。普之蹶法也。首倡保種學。欲衛生。欲保種。必先興醫學。日本素諳漢醫。內經傷寒等書。皆集古註刊爲集解。厥後輔以西學。本漢醫以爲根柢。又有國家之提倡。所以蒸蒸日上。蓋有由矣。民無天札。則戶口滋多。又習之以體操。總之以訓練。則肌膚會。筋骸東。精神得以奮。材才得以伸。醫之關係於國脈者。豈不大哉。至其診病也。聽脈有筒。燭物有鏡。測寒熱有表。通經絡有鍼。又有蠟人之模範。紙人之標本。技藝之精確。實爲十九世中大實驗家。哲學家。於聲光化電。格致研究而來。中國承學之士。研究者少。良由前清政府無科學進身之階。恒以方技小術目之。以視歐西各國醫士之榮譽。不啻判若霄壤矣。當茲光復過渡時代。願橫醫家之統。首在聯絡同志。集會開辦醫報。集思廣益。溝通中西。爲新報之吉羽。俾馳者張之。集者通之。橫者登之。其效在於國民。其機關在於社會。願各發揮妙理。互換智識。以冀進步日速。則醫學昌明。得與歐美並駕。是所望於羣策羣力。毋稍懈弛也。

善醒世風積習論

鄭宜齋書

病人之吉凶禍福。寄之於醫者甚重。然權不盡操諸醫。而操諸用醫之人。何也。世風耐熱趨炎。競榮企勢。如蟻之撲火。如蟻之逐羶。一知半解。信口雌黃。致醫家口給處方。實由於病家之貴耳賤目。醫者依阿兩可。病者一效難求。蒙昧無知。或起巫祝之念。時流束手。始與更醫之思。幸偶遇夫良知必忠告而善道。欲施運用。追溯病原。將爲破釜沈舟。不肯模稜敷衍。惟是方甫立。而疑信參半。藥未投。而議論紛來。不招偏見之譏。卽貽炫技之詬。任令法高一丈。其奈寬高十丈。何良可歎也。竊讀傷寒論仲景之自序。竟是一篇怨天憫人文字。苦心苦口。懲凡醫之害正。痛舉世之昏迷。故爲暮鼓晨鐘。爲蒙昧昧味輩喚起遊魂。誠足以警醒今世之病家醫家。不啻作當頭棒喝。程明道先生曰。人子事親。學醫最是。大事。是此篇序文。醫家固當錄爲座右銘。尤必使病家家喻戶曉。以冀挽回既倒之狂瀾。孔子云。信而好古。所望明達之士。居恒於愛身知己。愛人知人處。用心體會。則臨時之獲益。庶有步乎。

附錄傷寒論仲景自序

余每覽越人入號之診望齊侯之色未嘗不慨然歎其才秀也怪當今居世之士曾不留神醫藥精究方術上以療君親之疾下以救貧賤之厄中以保身長全以養其生但競逐榮勢企踵權豪孜孜汲汲惟民利是務崇飾其末忽棄其本華其外而悴其內皮之不存毛將安附焉卒然遭邪風之氣嬰非常之疾患及禍至方震慄降志屈節欽望巫祝告窮歸天束手受敗資百年之壽命持至貴之重器委付凡醫恣其所措咄嗟嗚呼厥身以斃神明消滅變為異物幽潛重泉徒為啼泣痛夫舉世昏迷莫能覺悟不惜其命若是輕生彼何榮勢之云哉而進不能愛人知人退不能愛身知已遇災值禍身居厄地蒙蒙昧昧蠢若遊魂哀乎趨世之士馳競浮華不固根本忘軀狗物危若冰谷至於是也余宗族素多向祿二百建安紀年以來猶未十稔其死亡者三分有二傷寒者十居其七感往昔之淪喪傷橫天之莫救乃勤求古訓博采衆方選用素問九卷八十一難陰陽大論胎產藥錄並平脈辨證為傷寒雜病論合十六卷雖未能盡愈諸病可以見病知源若能尋余所集思過半矣夫天布五行以運萬類人稟五常以有五藏經絡府俞陰陽會通元冥幽微變化難極自非才高識妙豈能探其理致哉上古有神農黃帝岐伯伯高雷公少俞少師仲文中世有長桑扁鵲漢有公乘陽慶及倉公下此以往未之聞也觀今之醫不念思求經旨以演其所知各承家技終始順舊書與開病務在口給相對斯須便處湯藥按寸不及尺握手不及尺人

迎跌陽三部不參動數發息不滿五十短期未知決診九候曾無髣髴明堂圖庭盡不見察所謂管窺而已夫欲視死別生實為難矣孔子云生而知之者上學則亞之多聞博識知之次也余宿尚方術請事斯語

按今之病家率有數病本草方書畧加涉獵醫者處方輒曰某藥礙某臟腑或曰某藥並不切病殊不知配合佐使實醫家之妙理儻執一藥而論病雖經方亦不可通矣又或好補惡攻或喜溫惡涼或惡良藥之苦口而不肯盡劑或因口腹之不慎而調攝失宜或因信任不專服一劑而輒換他醫或因迷信未除進巫祝而專恃符水煎藥之水火不能考究服藥之時間不能如法而富厚之家不論病機喜服貴重之藥種種弊端均多窒礙而專責效於醫士是南轅而北其轍不亦慎乎仲師之序實為若輩痛下針砭鄭君具廣長妙舌效生公說法以冀林林總總者之庶幾一悟也用心亦良苦矣現在醫學力加研究深願病家逐漸改良為醫界先祛此一重障翳郭廷閣附識

師古而不泥古說

鄭宜壽書

竊觀內經軒岐之旨不外陰陽五行生化之理易曰一陰一陽謂之道中庸曰天命之謂性率性之謂道修道之謂教朱子謂天以陰陽五行生化萬物氣以成形而理亦賦焉是陰陽二氣奇偶消長

體用象該有平秘互對之妙。儒與醫道本一貫。互相發明。是醫必明乎道。而後可以言醫。所謂道也者。不可須臾離也。觀仲景著傷寒論。闡發精微。悉本內經。特拈六經以審萬病。三陽為表。三陰為裏。萬病出入。不外六經。各標提綱。令人知所趨向。實可為指南之針。迺自叔和刪輯。以六經傳足。不傳手。印定後人之耳目。且謂傷寒論獨治傷寒一病。不知六經乃統手足而言。致使後人疑惑。莫能出其窠臼。甚至仲景之方。世不敢用。以為宜於古不宜於今。各承家技。自立新方。遂失仲景之方法。溷沒聖道之真傳。由來久矣。幸柯韻伯出。著有傷寒論註。論翼附翼等書。於仲景原文。關於手經者。獨出手眼。特從內經。勘出以心肺為一身之主。辛六經之綱領。統括十二經。曷言之。心主營。統理六經之血。肺主衛。總輪六經之氣。經曰。肺者大氣之主。心者五臟六腑之君也。營不離衛。衛不離營。各經受病。而氣血俱應之。得此名論。足顯仲景之書。益彰內經之旨。誠如朱子註解四書。具有定評。堪為後學之矩矱。宿學家已評及之矣。竊願推而廣之。引而伸之。仲景傷寒論。可統治男婦小兒雜病。即以婦人小兒論之。如婦人雜病。所異男子者。惟月經胎前產後。夫月經有血瘀經阻者。輕則桃仁承氣。重則抵當湯丸可用也。有血虛經閉者。或因陰血虛。則當歸建中。或豬苓湯復脈湯可用也。或陽氣虧。則理中黃耆建中。吳茱萸諸逆。附子等湯可用也。其胎前產後。亦不外寒者溫之。熱者清之。虛者補之。實者瀉之之法。經云。婦人有故無殞。亦無殞也。六經諸方。俱可通用。因症加減。不必拘方。所謂

運仲景之意。不必執仲景之方。是矣。至小兒驚風之妄名。喻嘉言已闢之。謂即傷寒陽柔症。是小兒傷寒。即遵太陽經治法可矣。又吳又可論小兒因溫疫發搐。實非驚風。是小兒溫疫。即遵陽明經溫病治法可矣。推之乍寒乍熱致搐。莫非少陰之條。上吐下瀉致搐。不外太陰之例。如戴眼昏睡厥逆吐利。即少陰經之陽虛症也。四肢牽引直視反張。即少陰之陰虛症也。其中更有陰極似陽。陽邪入陰。下虛格陽。陰極煩躁。陰陽駁雜之症。俱關少陰之變候。不可不細辨也。其寒熱消渴。或不欲食而吐。或吐酸水。無非厥陰之症。至於舌燥唇乾。煩渴不甯。大便不通。小便短赤。係各經轉入陽明。肺胃實之熱症也。若初生門病。只要辨胎火胎寒。不外火則清之。寒則溫之之法。小兒五疳。即大人五癆。雖分五臟。宜重脾胃二經。腎虛而脾未虛者。補腎為先。腎虛而脾亦虛者。補脾為急。滋腎之品。切不可用。清涼之味。斷不可投。以脾胃二經乃一身根本也。今兒科五疳丸散。肥兒丸內。俱有胡連蘆薈三稜莪朮。初病壯實者。或可暫用。若脾虛者。何堪受其削伐。更有專售婦人小兒通經破瘀丸。立消痞塊丸。治痞殺蟲丸。萬應保赤散。皆不免為無形之刃。至小兒痲痘。並可從傷寒比例治之。喻嘉言云。能治傷寒。始能治痲痘。誠哉。是言也。然則婦人小兒可通治。男子雜病更無疑矣。故惟仲景之方。方外有方法。外有法。合是症。便用是方。方各有經。而用可不拘。只有表裏寒熱虛實之不同。並無傷寒男婦大小之各異。所願習斯道者。毋效索隱行怪之流。致力聖聖相傳之道。四吾之所固有者。

化而裁之。遵道而行。則能擇乎善矣。

學說

疫痧續論

郭廷熙撰

此僕庚戌年春仲所作也。於時疫痧盛行。悵死亡之相繼。爰著是論。以冀同道者之悟。故立論不免過激。近因是症又復盛行。用函檢出。登諸報端。尚希海內君子。匡其不逮。

喉痧一症。起於雍乾之間。盛行於江浙。古無是證。亦無專書。及玉峯顧氏著辨痧經驗闡解。虞山陳耕道氏著疫痧草。元和金保三氏。據顧本而損益之。名曰爛喉痧。辨痧輯要。吳曹心怡氏著喉痧正的。論因論治。各有異同。而大旨均不外乎表散。學者可於此悟其機焉。顧今之醫士。未能博覽會通。抉擇精奧。或私心自用。或師說相傳。或偏執一家之說。迨施治弗效。死亡接踵。遂相率委諸氣運。由其於病源治法。未加深察耳。病者曰此喉症也。當延喉症專科治之。喉科亦曰此喉症也。吾有成藥。可以治之。於是錫類散玉屑散任便吹用。以治爛喉之法治喉痧。直以青黛牛黃礞砂等為殺人之刃。間有知為難感者。又以蒼連梔柏為瀉火之劑。或用生地麥冬等甘寒之藥。甚至持養陰忌表之說。以自慰而惑人。僕讀顧家原書。世務。爰博綜羣書。參以臨症治驗。而得其大凡焉。

其證候感時疫。由口鼻吸入。肺胃受之。肺主皮毛。胃主肌肉。其邪本有傳外之機。而感時疫。則感寒。胸背間必痲痧隱約。無如來勢太驟。一擁直上。遂聚通於咽喉之間。而不能四散分布。如以器貯酒。其蓋緊吸。則斟時酒必不出。使從旁開孔以洩其氣。則暢流無阻矣。故治此症以表散為第一要義。蓋肺為氣竅。主運行周身。惟其喉間被阻。氣道閉塞。肺將失其功用。故痧痧欲出而不能出。多隱於皮肉之間。表藥入胃。旁通四達。痧邪即隨汗而出。偏身紅點既現。肺胃之熱外散。喉間之腫痛必輕。此火鬱發之之義。亦即開鬼門之大法也。

或謂古今方書多矣。不聞喉症有發散之說。予曰此非喉症也。因感時疫而成痧痧。因痧痧不能透出而熱壅喉際。熱壅則腫痛。壅之極則潰爛。治之得法。痧既透足。喉痛不治而自愈。復何所慮。思乎。倘舍本逐末。用喉症通治之藥治之。固屬誤事。即寒涼煎劑及吹藥。均能遏抑客邪。使不外散。欲清其熱。而適導之使爛。各將誰執。此症宜注重痧痧。其實無須吹藥。即失表延久潰爛。仍宜一面表散。一面用玉鑰匙等類收口藥吹之。

或謂宜用下法。即釜底抽薪之意。是又不然。時疫外感也。邪在氣分。非熱邪入腑可比。表證終宜表解。始無導邪內陷之虞。曹氏雖用元明粉導滯丸。惟便艱有滯者始加之。然必待清化以後。若始初則斷斷不可也。

至用藥大法。陳氏囿於辛涼解肌。與病機不合。且每方必用梔子胡為者。金氏慣使升柴。尤屬非是。

惟曹氏荆防麻鼓湯。暢發無疑。足見臆識。若邪陷心包。神志沈迷。用顧氏升麻葛根湯法。若邪陷少陽。陽明。致耳前後腫。擊痛。發頰。疔腮。唇口緊小。頰車閉。圍不利等症。則用曹氏加減法。總而言之。宗顧氏之法。用曹氏之方。即於此症洞若觀火。目無全牛。

或曰。疫痧熱症也。曹氏輒用荆防麻桂辛溫之品。恐有不宜。予曰。非此症必用辛溫也。特辛溫亦所不禁耳。觀敗毒散之用羌獨活。正氣散之用蘇芷。達泉飲之用草果檳榔。均治疫用辛溫之確證。况曹氏方中。有苦寒之豆豉。甘寒之甘中黃。足可監制。不必滋疑。

此症之流行。曹氏謂有三因。一因起居。一因飲食。一因街衢之穢雜。水漿之污濁。僕謂近今復有三因焉。一因於紙烟。最能傷腦灼肺。外捲之紙。亦均吸食。性尤燥烈。一因於煤炭。北人慣於用煤。且食生蘿而解其毒。南人慣用柴草。近則相率用煤。固屬民生之大益。第臟腑各有習慣。不兼其暴烈之性。又無解讀之法。斯為禍亦熾。一因於煤油。現在家置機器爐一具。燃燒煤油。用以煮烹。取其便利。不知油性亦極暴烈。終日使用。實受無形之患。此三者亦受症之原因。人特習焉不察耳。善衛生者。於紙烟煤油。各宜注意。至煤炭一物。為日需之品。勢難禁絕。有綠蘆酒解毒之一法。其物圓長形皮白。上段色綠。係北產。由火車運來。市間甚多。平時可去皮生啗。用薑梨煎。為消障之妙品。無病時時為不可用。以其生冷故也。至王夢英青龍白虎湯。曹果齋荷同煎。亦預防之劑。

斯

西醫謂係一種毒菌。名對古斯。散布空氣中。人由口鼻吸入。構成是症。佩琳博士。發明一種血清。即取是症之微生物。種於他動物。然後製成。射入膚中。云能使血液增抗毒質。用意注重在咳。其於痧痧之能否發出。及治療後若何收效。尙須切實調查。

至於顧氏全文。載在金保三爛喉痧痧輯要書中。喉痧正的。自有專書。復經會員鄭嵩崖君。重刊廣送。均可取閱。今再將陳金二氏書。擇要而條辨之。合觀焉而大憲愈見。

陳氏之書。列症最為詳細。惜一切議論。多自理想中懸揣而得。不盡由實地試驗。故臨症諸多不合。如曰。爛喉疫痧。以喉為主。爛淺者疫邪淺。爛深者疫邪深。是重在咽喉。忽於痧子。實顧氏所不取。曰。疫痧之發。由於種痘盛行。種痘是假人巧以息危疾。疫痧又因人巧而致危證。夫疫癘之行。無分老少。並有已出天行痘而亦不免者。又將何說以解。曰。無疫而發痧。無疫而爛喉。則溫熱之邪。僅在經絡。疎而達之。故易鬆解。若觸毒而發痧爛喉。一時俱見。則溫熱之毒。深藏臟腑。故病重。

夫既曰無疫矣。則所發之痧。不過風痧而已。斷不爛喉。其有爛喉者。亦癩蛾之類耳。斷不發痧。既發痧且爛喉。即屬疫邪。不於此分疫之輕重。而於此分有疫無疫。終屬未當。且此症初起。喉間紅腫痛而已。治之得法。日漸消散。何至於爛。爛喉云者。失治加重之候也。胡為以無疫爛喉立說乎。曰。痧點隱約者疫痧也。大塊雲密。肌膚焮赤者時痧也。時痧之症。其實即金保三所謂痧也。痧屬肺。

癘屬胃。癘痧同一治。不應以此分疫之輕重。曰（治疫症者。在疫火未肆之前。先化其火。火漸化。病漸鬆。在疫火既肆而後化其火。恐化之無及矣。疎不兼清。每多凶。達而兼化。每多吉。必如傷寒之疎達既透。而後清之化之。豈非十死八九哉。）夫疫火未肆。先化其火。是用涼解法矣。曹氏謂其困於辛涼解肌之成法。採用者往往不效。如葛犀湯。葛根犀角牛子桔梗連翹梔子蟬衣甘中黃荆芥查炭犀散湯。犀角豆豉牛子荆芥梔子連翹大貝蟬衣赤芍桔梗甘草是也。推原其故。由於注重喉嚨。不知以痧子為重耳。且既云（疎散清化並進）後又云（達透後清）立說參差。中無把握。顧氏云。偷時令嚴寒。痧出不透。即桂枝葛根湯。麻黃湯。俱可用。勿拘辛溫遲緩誤事。二湯內俱加牛子蟬衣桔梗發之。曰（疎達反險）致醫者不敢暢發。實為作俑不仁。惟篇末有云。發痧得透。自能漸愈。禁用半夏厚朴。及苦寒重墜。與牛黃蘇合香等丸。此則頗合病機矣。金氏之書。原本顧說。其云（神昏譫語。惟當透肺邪。不宜用寒涼。即痧回脫皮。舌紅唇燥。餘火熾盛。只須清洩肺邪為主）是為卓有見地。惜其所增各方。不無可議。顧氏之升麻葛根湯。為邪陷心包者設。金則每方必用升柴。試思毒壅喉間。急宜表散。再用升柴升舉。將升之於何地乎。所列喉散一字散等。皆咽喉通治之方。無當於事。採用諸藥。又瓊瑤互見。緣升柴橫橫。究欠純潔。故也。喉痧正的一書。予嘗評云。積理明。見證多。語語自實驗而來。故能細微畢至。喉痧各書。當以此為完本。至所採丹散各方。臥龍丹以通氣閉。玉鑰匙以療爛後收口。其餘可不必備。純以湯劑治療可也。

喉痧預防法

鎮江扶輪報編輯員 煇桂生

喉痧一名爛喉痧。又名白喉。日本名實扶的里亞。為急性傳染病之一種。其傷人最速亦最劇。中國曆年因此而損失生命者。不知凡幾。考此病初起之時。惡寒發熱。頭痛。身體倦怠。口腔內之扁桃腺及咽喉頭等處。紅赤腫起。痛楚不適。嚥物妨礙。此初起之大略情形也。過此不治。則腫痛益甚。扁桃腺及咽喉頭間。現白色。或黃色之斑點。旋即潰爛腐敗。音啞痰喘。鼻腔紅腫。時流稠涕。頸腺粗腫。體溫亢進。諸語不寐。脈搏疾數。此則病毒猖熾。最為吃緊之時。苟醫治而不得法。則瞬息間現癢搐煩躁。目直視。口噤咬牙。窒息而死矣。大人如此。小兒尤甚。嗚乎。喉痧病毒之害人。乃如其其也。故東西醫家。以此病與鼠疫霍亂腸熱病等。視為一體。而統稱之曰急性傳染病。蓋驗其傷人急速。為傳染病之最劇者耳。推其原因。固由於實扶的里桿菌之毒。傳染而生。而不講衛生。實為此病之主要原因。蓋人身血液腦筋。暨各器官。本有抵抗菌毒之質素。以自衛其生命。惟夫不講衛生之人。平日已將其抗毒之質。消失殆盡。一旦傳染病發生之時。則無有抵抗之能力。往往朝為健康之人。而暮已臥病垂危者。職是故也。煇自為醫時。每年所遇喉痧病。以最少數計之。尙有二三十人。今年以來。所治喉病。已有三四十人。其中有出痧疹者。有不出痧疹者。而其咽喉由紅腫而腐爛。而易傷人。則如出一轍。蓋即急性傳染病中之喉痧證也。此病治法。具見吳鞠通溫病條辨。王孟英回春錄。

陳耕道疫痧草。及近世新譯喉痧書中。無庸贅述。茲但述此病之豫防法。以貢獻於軍商學界。俾得防患於未然之前。儻亦衛生之君子所樂取乎。豫防法分二種。曰平時豫防法。曰臨時豫防法。

第一平時豫防法

甲 食物之注意

一宜多食植物品。(如蔬菜水果米飯麵包之類)少食動物品。(如猪羊牛肉雞鴨魚鰾之類)以動物之肉。多含毒質。食之既久。則人身中血液濃濁。毒質蘊隆。易罹喉病。而植物則反是。

二戒飲酒。酒能壞血液。傷口腔內咽頭喉頭之組織。

三戒吸紙烟鴉片烟旱烟水煙。紙煙中含尼可青暨炭酸等毒質。鴉片中含瑪珠。水煙旱烟亦含炭酸等毒。能壞血液。壞扁桃腺。及咽頭喉頭之組織。專釀喉症。

乙 飲料之注意

一宜用河水江水。濾過者。沸飲之。煨粥煮飯。亦須用此。若不流通之河。其水污穢變色者。不可飲。城市井水。多近陰溝便所。尤不可飲。

二隔宿之茶。與不潔之茶葉。變色變味者。有毒。不可飲。

(未完)

討論

會員黃鉞提議曰。衛生生理解剖。為吾國固有之學說。考之於靈素。證之於魯論大學。言衛生學者。素問上古天真四氣調神等論。魯論鄉黨一篇。大學正心誠意。言生理學者。素問靈蘭秘典五藏生成等篇。言解剖學者。靈樞經水篇。以上係散見各篇。未能匯萃於一幅。萬國博覽會。以衛生生理解剖學。惟中國為最古。厥後流傳於羅馬。展轉而及於泰西各國。彼等極力研究。而我則故智自封。繼起無人。於是遂讓西醫進步。願中醫豈真不能漸臻發達哉。當此競爭劇烈之時。謹為諸君繼續言之。生理之學。靈素精奧實多。不勝摘錄。衛生學雖亦散見於各篇。鄉黨言衛生。實聚於一幅。當暑疹稀絡。必表而出之。必有寢衣。長一身有半。此衣服之衛生也。食不厭精。膾不厭細。食體而饒。魚鱖而肉敗。色惡臭惡失飪。不得其醬。祭肉出三日。不食。肉雖多。不使勝食氣。惟酒無量不及。亂沽酒市脯不食。不撤薑食。不多食。此飲食之衛生也。食不語寢。不食。寢不尸居不容。此起居之衛生也。大學之修身正心誠意。此體育之衛生也。凡此皆中國衛生學之最古者。

解剖之學。靈樞經水篇曰。皮肉在此。外可量度切循而得之。其死可解剖而視之。至王莽誅翟義之黨。使太醫巧屠剝。度量五藏。以竹導其脉。知其所終。宋崇寧間。泗州刑賊於市。郡守李夷行。遣醫

與畫工。抉膜摘膏。纖微畢肖。無異古說。赤水玄珠何一隅云。余先年以醫從征。歷剖賊腹。考驗臟腑。心大長於豕心。大腸與豕無異。惟小腸多紅紋。餘皆如雞經所言。北史載長孫子產墜馬折臂。開肉鑄骨。太平廣記載崔堯封甥李言吉。目生小瘡。漸大如卵。壓目而不能視。堯封割去不覺。忠義傳云。睿宗為皇嗣。有誣告者。安金藏剖心以示。登時氣絕。武后令醫納其肺腑。外敷桑白皮。經宿乃甦。抱朴子云。張仲景之為醫。嘗穿胸而納赤餅。太倉公解顛而理腦。玉堂閒話云。高駢時有術士。善醫大風。置患者於隙室中。飲以乳香酒數升。則懵然無知。以利刀開其腦縫。挑出蟲可盈掬。長僅二寸。然後以膏藥封其瘡口。別與藥服之。而更節其飲食動息之候。旬餘瘡盡愈。纔一月。眉髮已生。肌肉光淨。如不患者。趙與時賓退錄云。廣西戮歐西範及其黨。凡二日。解五十有六人。宜州推官靈簡。皆詳視之。爰繪圖以傳於世。乾隆間。天台齊次風侍郎。赴圓明園待漏。途中墮馬。首觸巨石。腦裂髓流。延蒙古醫封生羊腦補入。愈後。惟博聞強記。迥不如前。此外知覺。無異平時。王清任著醫林改錯。屢言親至行刑處。考察臟腑。歷四十餘年。方得的確。因分別繪圖立說。一洗從前憑空立說之誤。以西醫所繪各圖證之。最為吻合。無稍差池。可見解剖之學。中國自古迄今。非不考究。惟近時醫界。略而不習。遂若解剖一事。為西醫之專長者。抑何輕中重西而不加深察歟。會員郭廷照續編曰。黃君此論。稱說古今。博徵繁引。於醫學頗有發明。但當競爭劇烈之時。兩方面

各持其學說。以互相雄長。不能得進步。不辨別是非。不能得真際。其互不相較。無異私之好。無意見之偏。考其長短。判其異同。約畧條列如左。諸君幸有以教之。

中醫之所長者。如心左房之血。行於周身。入迴血管。則變紫色。運傳至肺。呼出炭氣。復為紅色。入心右房。此即內經脈氣流經之謂也。但血出幾時始迴於心。西醫尙未計算。內經言一呼脈行三寸。一吸脈行三寸。又曰。經周不休。五十度而復大會。按此計算。則血於何時出者。即知何時迴矣。西學謂腸胃及吸氣管中。有養汁。如牛乳。有明汁。如水。不知明汁即經所謂津也。養汁即經所謂液也。徒存其名而不知化原。惟內經明言水入化氣而為津。穀入化汁而為液。燥氣乘秋肅之令。為金之正氣。為土之病氣。是以列於六氣之中。第非剖割所能知。故西人不言。經云胃五竅。醫林改錯謂為三竅。一主納。一主出一。入三焦油膜以行水。其實中通一竅於脾以化水穀。上通一竅於肺以布精汁。西醫謂係無數吸水微管。環繞胃體。雖經剖割。究欠精確。陰陽五行。久為西人所訾。不知中醫之特長。即在此陰陽五行。肝病青。脾病黃。心病赤。及五行生尅之道。藥品色白入肺。色黑入腎之說。臨症治驗。確有治理。至陰陽之說。理尤繁賾。續再著論以發揮之。

西說之所長者。如水入膀胱。中說謂膀胱無上口。全憑氣化。西學謂由胃入腎。由腎入膀胱。全憑溺管。管在油膜之中。經謂心通膽。肝通大腸。脾通小腸。肺通膀胱。腎通三焦。舊注謂以氣相通。故唐宋

後憑空說理。要知所謂通者。必有相通之道路。西醫謂人之臟腑。全有連網相連。其連網中全有微絲管。行氣行血。據此則相通之道路。即在網膜中矣。

西說之所短者。如腎開竅於二陰。西人圖畫二陰甚悉。究不知為何臟所司。謂精是外腎。單丸所生。要知單丸乃發精之器。非藏精之所。精是血與水化合。氣機溢滿。臨時化生而瀉出。豈割割既死之人。據單丸之死精。為能得其機械耶。知女子有胞宮。不知男子亦有胞宮。特男子胞宮為一層扁薄夾膜耳。人死精收胞縮。故解剖家忽不加意。此胞名精室。亦名氣海。又名丹田。喜怒哀樂。臟腑各有所司。西人全歸之於腦。七情不分。一遇內傷之症。如何著手。瘵熱症用冰置腦前。以治傷寒之發熱。固不可。即溫病之發熱。亦有熱毒伏心之患。總之熱有虛實真假。有辛溫。辛涼。苦寒。酸斂。甘寒。之不同。並有甘溫之虛熱症。四逆湯之假熱症。何可混同。

至中西之說有相同者。西人謂鼻與周身之毛竅。均可呼吸。內應於肺。毛竅氣細。故人不知。此與肺合皮毛之說合。謂養氣可藏。養果不壞。輕氣能發火。其實養氣即經所謂陰氣。輕氣即經所謂陽氣。謂肝為胃行水。迴血生膽汁。入腸化物。即內經肝主疏洩之義。

中西之說有特異者。中醫言脈。西醫言管。其實一也。但中說十二經脈及奇經穴道。兼行氣而言。西說血管迴流。微絲血管。專行血而不行氣。且經脈有淺深。非剖割所能悉見。彼又言人有自和筋。筋隨各臟腑而異用。據此似與內經所言之經脈合。惜其於內經未深考究。無從互證異同。中說謂人乘陰陽二氣以生。西醫謂係鍊養炭等十四質湊合而成。十四質必經剖割煅鍊。始能取得。其時生機已息。恐與生人之氣化不同。西說血內有紅白二輪。紅多白少。不知紅輪血也。白輪水液也。人之周身。均血與液所貫注。是以外皮擦損。但流清水。真皮破而血即出。西醫言甜肉質化。甜肉即胰子。中說不言及者。蓋已統於脾也。故脾屬土味甘。不獨此也。脾居油膜之上。凡油膜皆屬脾。油最滑潤。亦主行水。故脾亦稱濕土。且中說脾之竅在口。故脾絕有唇陷之現象。西醫圖口通腦通心。肺通胃而不通脾。不知胃乃脾之腑。不通脾而反屬脾竅。心包絡代心宣化。西醫謂心上半有夾膜裹之。即包絡之謂也。但未明言所司何事。抽指反辰諸症。實由連網自內達外。包裹赤肉。兩頭生筋。筋連於骨節。故利屈伸。諸症皆筋所牽引。實則網膜伸縮使然。故經與水液渾濁並論。西人謂發於腦筋。試問作何治法。中以黃連龍膽瀉火。且謂苦寒傷胃氣。西人以為補胃之品。汗之為物。經雖云五臟皆有。其實本原在手足太陽經。蓋小腸與膀胱。同附著於連網之上。心火宣布。由小腸連網併合膀胱。火交於水。乃能化氣外達而為汗。西醫言汗管汗核。詳矣。而汗之本原則不知。未完

醫案

耳聾治驗附耳聾笑談一則

孫亮 謹識

前清江南提台楊鏡崖軍門。患重聽。風雷均不聞。夫耳為腎竅。膽亦寄竅於耳。高年陽虛。而陰氣上冲。如蛙鼓蚊雷者。補腎藥內加溫攝之品治之。水不涵木。肝火上炎。而耳聽不聰者。有陰潛陽治之。少陽濕火上升。而耳聽不聰者。龍膽瀉肝治之。中虛而有風熱濕熱者。益氣聰明治之。軍門係湘人。喜服參附。又好漁色。服鹿茸過多。因之而耳聾。診其脈極沉細。性則剛躁。所服之方。均是溫補。加以開竅之品。久而無效。余一意主滋腎柔肝。佐以清化濕熱。用知柏八味去莖肉熟地。改用生地。加羚羊菊花鮮石斛雙鉤藤磁石靈蘭等而獲大效。

藩署書吏之子俞姓。年十六。賦性愚鈍。患耳聾。諸藥無效。延余治之。閱前醫方頗妥。何故不效。觀其耳耳門堵塞。因大笑。令喚剃髮匠扒之。出耳垢甚多。其病若失。

病症奇驗

孫亮嘯

錫湖呂公駿甫。年六旬又三。署安徽含山縣時。盛夏淫雨兼旬。四鄉頗告水警。六月間下鄉勸災。回兩腿旋腫旋消。繼以縣試閱卷煩勞。夜不成寐。牙頰腫痛。大便艱約。猶不以為慮也。迨試畢而病大作矣。腹內努痛難忍。肛門墜脹異常。一日夜下痢百餘行。呻吟不絕。諸醫束手。聞和州朱州尊之恙。是予治痊。遂於中秋後延予至署診治。脈兩手細弦無力。苔後白膩。前半不現。視其糞非血非痰非膠非滯。成塊而下。不粘衣被。色如灰醬。晝夜不記次數。墜痛不已。或脹癢難忍。有時墜痛即解。有時痢下不暢。或痢下不自知。不能吸鳥煙。吸則助其墜痛。不能起坐。坐則愈形墜痛。病症中從未見者。然猶幸膏肉未穿。胃氣未敗也。於是竭力圖維。不拘成法。用歸芍木瓜烏梅熟地莖肉五味等。脹痛大減。繼用理中地黃。稍加升麻。墜痛即止。痢下一日僅三四次。按其脈已有神。舌後之積膩已退。前半亦現。改用參朮苓草龍牡萸味山藥歸芍。肝脾腎並補之品。而全愈。呂公平昔操勞思慮均過甚。夏月復因濕熱傷脾。以致瀉痢。痢久傷腎。肝為腎子。母虛不能養子。肝營素虧者。愈肆其驕張。風陽乘之內動。腸中脂液。即直趨而不稍留。故用酸收。斂肝之威。甘溫升提。扶脾之弱。滋膩固瀉。補腎之液。調治一月。康健逾恆。

專件

本會暫定簡章

- 一定名 甯垣地屬首都名曰南京醫學會已奉 江蘇都督府教令刊用南京醫學會之圖記以資應用
- 一宗旨 本會團集同道研究醫學期於善善從長臨症實益衛生並開辦醫報徵求名論溯古求今互證知識折衷中西以實力進行為要義
- 一基址 本會定於陰曆朔望各開會一次遇有特別事件開臨時會均在門東天喜長生祠另假

省城適中之絨莊王筱石君住宅作為事務所辦理本會事務評議員逐日分班到所評定刊報文稿並直接收受醫界非醫界之文稿函件

一經費 概由會員義務捐及月捐摺節支撥餘外並無捐款其收支各數按三個月刊列一覽表
隨報附送

一會務 業經集議組織公舉臨時會長主持會務現慶共和成立居民勞來安輯同道遷徙外出者漸次歸來將來羣賢畢集醫界前途之發達定能蒸蒸日上焉

一職務 臨時會長經衆公舉擔任主持所有組織會務開辦醫報諸事紛繁必賴羣策羣力業經議定職務分任其事開會宣布共同承認

臨時會長提倡成立南京醫學會擔任主持組織開辦及繼續進行一切事務

參議員 凡規定會務研究醫學提議進行一切事宜得憑意見參議維持之

顧問員 凡會中提議事務受會長之諮詢得權衡損益切實敷陳並幫辦編輯及文牘事宜

評議員 審核各項文稿可否發刊醫報轉由編輯員主定之及臨時醫案交涉事件

編輯員 掌任編輯報章發揮醫道學術凡一切徵集文稿來件有主定刪正取舍之職務

文牘員 掌任會中一切文牘起稿事宜

書記員 記開會時提議決議各項事項並錄存各項文稿備查

交際員 凡外省外縣各醫會同道通函及介紹會員入會並接洽藥業會商考究藥品等事屬之

庶務員 凡會中組織製辦籌畫經濟管理物件收發來往文牘函稿發刊報章等項職務

會計員 掌理收支款項出入帳目並預算決算一切事宜

調查員 凡醫藥良窳隨時分任查報以便研究求進進行遇有臨時發生之事件得受會長之委託而執行之

一 本章程係臨時暫訂如有未盡事宜當隨時更改登報聲明

臨時會員一覽表

隨仲卿 前學會會長尚未就職 王筱石 臨時會長 段抱山 參議員 孫惠臣 參議員

張簡齋 殷伯衡 徐近仁 錢受之

劉楚三 戴春垣 譙子餘 徐道生 以上皆評議員

鄭嵩匡 顧問員兼辦編輯及文牘 郭演康 編輯員 刁星軒 文牘員 方世英 書記員

趙子新 書記員 濮鳳笙 交際員 孫少培 交際員 黃慎齋 庶務員

楊伯雅 會計員 萬朗齋 會計員 徐鼎銘 邵新齋

程筱竹 管續卿 芮教之 單炳堃

孟嘉仁

蕭劭夫

郭炳文

顧楚源

杭誠齋以上皆調查員

吳鏡芝庶務員

濮仲卿

秦少泉

秦漢卿

蔡壽人

江石生

汪濟生

俞福民

馮寶之

孫竹銘

黃海漁

裴用舟

徐賓如

陳玉堂

魯質夫

李衡甫

張鑑安

鄭培生

楊鴻年

丁偉卿

江建東

陳蔭庭

何樹棠

孫蔭棠

張耀卿

張鐵梅

余鼎臣

王介庵

王榮卿

丁安甫

王樹芝

王叔山

陶蘭甫

盧蘭生

梁錫鈞

趙託莘

李潤翹

楊蔭安

李養吾

譚叔侯

林紹商

程文松

陳玉堂

蔡良臣

周壽臣

陳仲元

以上所登之會員皆陰曆正月二十六日到會簽名者至於遠出未歸及以後入會者容俟續登

雜錄

傅青主男女科書後

郭廷照撰

自古才德之士其處身涉世無苟焉之志一旦猝遇事變不屑銜玉求售等於馳騫者之所為而其材力聰明又不能無所托以自娛悅西蜀嚴君平長安韓伯休彼獨非豪傑之士哉青主之於醫亦托焉而已方其偃仰煙霞芥屣青紫帝王卿相力不足以屈之而匹夫婦之有疾苦者迺奔走其門。豈志屏息必求其安焉而後已烏乎非蟬蛻於塵垢之外澡滌於詩書之林問能以幽人之貞行仁人之術乎審若是即或操術之未精君子猶將諒之若因集中多通治之方無獨出手眼之處遂從而訾議焉非善知先生者矣出處之大節頽然方將與現玉秋霜媲美其高潔顧屑以巫醫小術俾後之人稱道於弗衰歟

民國新紀元南京醫學會再成立喜而賦七絕兩首

孫亮嘯惠臣

會成研究合羣公今古源流攸異同至要一言存國粹先中而後泰西東巍巍民國煥然新醫術尤須精且醇拯起瘡痍惟我輩佇看大地遍回春

南京醫學報將次發刊爰付截句四章以誌欣幸

王彬筱石

古今醫學一原流同道尤宜氣味投進步日臻團體固保存中學立寰球。亘古軒岐道燦然數千年後失真詮當茲一線綿延日固守全憑衆力專。醫報堪增智識新從茲著手更成春中西融貫深研究聚乃精兮會乃神。

醫爲仁術學無涯。老者安之少者懷之。公益豈因私益起。熱心毅力勉同儕。

時間

中醫內科之理最深。惜研究無人。致使失其廬山真面目。西醫入華。深受一般社會之歡迎。中醫幾無立足之地矣。數十年後。恐無子遺。幸有心人亟圖補救之。採中華報



